

Opis poslova za izradu Istraživanja sa preporukama za unaprijeđenje rodno odgovorne statistike, programa i politika u institucijama BiH

Osnovni podaci o kontekstu i svrsi usluge

Agencija za ravnopravnost spolova BiH, Ministarstva za ljudska prava i izbjeglice BiH (u daljem tekstu Agencija), prema Zakonu o ravnopravnosti spolova u BiH ("Službeni glasnik BiH", broj: 32/10), obavezna je da prati i analizira stanje ravnopravnosti spolova u Bosni i Hercegovini na osnovu izvještaja koje sačinjava Agencija i entitetski gender centri i o tome godišnje izvještava Vijeće ministara BiH. Također, Agencija je zadužena i da priprema izvještaje o ispunjavanju međunarodnih obaveza u oblasti ravnopravnosti spolova.

U skladu sa članom 22. Zakona o ravnopravnosti spolova BiH svi statistički podaci i informacije koji se prikupljaju, evidentiraju i obrađuju u državnim organima na svim nivoima, javnim službama i ustanovama, državnim i privatnim preduzećima i ostalim subjektima moraju biti prikazani po spolu, te moraju biti sastavni dio statističke evidencije i dostupni javnosti. Ovakvi podaci razvrstani po spolu, predstavljaju neophodan osnov za analizu i praćenje stanja ravnopravnosti spolova.

Dosadašnja praksa prilikom prikupljanja informacija za analizu i praćenje stanja ravnopravnosti spolova u BiH je pokazala da još uvijek postoji nedostatak podataka razvrstanih po spolu u pojedinim oblastima odnosno da se oni samo djelomično razvrstavaju. Takođe, pojedine klasifikacijske kategorije podataka, relevantne za ravnopravnost spolova, uopšte se ne prikupljaju. Prema tome, provedba pomenute zakonske odredbe nije na zadovoljavajućem nivou, a Agencija nema sve potrebne informacije za analizu i izvještavanje o stanju ravnopravnosti spolova u oblastima iz nadležnosti institucija na nivou BiH. Potrebno je alizirati prakse prikupljanja podataka, kao i programe i politike iz djelokruga rada institucija BiH iz perspektive ravnopravnosti spolova, kako bi se izradile preporuke za unaprijeđenje .

1.1. Ciljevi

S ciljem povećanja odgovornosti institucija BiH za provođenje Zakona o ravnopravnosti spolova u BiH kao i osposobljavanja Agencije za analizu stanja ravnopravnosti spolova u oblastima iz nadležnosti institucija na nivou BiH, za izvještavanje Vijeća ministara BiH i izvještavanje u skladu sa međunarodnim dokumentima o ljudskim pravima, potrebno je izraditi Analizu sa preporukama za unaprijeđenje rodno odgovorne statistike, programa i politika u institucijama BiH.

Agencija za ravnopravnost spolova BiH, Ministarstva za ljudska prava i izbjeglice BiH je uputila dopis relevantnim institucijama na nivou BiH sa zahtjevom za dostavljanje informacija o bazama podataka, vrsti podataka koje prikupljaju, evidentiraju i analiziraju, kao i da li su navedeni podaci razvrstani po spolu. Cilj usluge koja je predmet ovog zahtjeva za ponudu je analiza prikupljenih odgovora institucija BiH, kao i mapiranje

programa, politika i strategija iz djelokruga rada tih institucija kako bi se izradile konkretne preporuke za unaprijeđenje rodno odgovornog pristupa statističkim evidencijama, kao i izradi, praćenju i izvještavanju o implikacijama za ravnopravnost spolova programa, politika i strategija koje provode ili pripremaju. To će u velikoj mjeri doprinijeti rodnoj osjetljivosti programa, politika i strategija institucija na nivou BiH kao i kvalitetu analize, praćenja i redovnog izvještavanja o stanju ravnopravnosti spolova u BiH u okviru mandata Agencije.

1.2. Zadatak i opis

Za predmetnu uslugu izrade Istraživanja sa preporukama za unaprijeđenje rodno odgovorne statistike, programa i politika u institucijama BiH, potrebno je realizovati sljedeće aktivnosti:

- Analizirati odgovore institucija BiH, koje je prikupila Agencija za ravnopravnost spolova BiH, Ministarstva za ljudska prava i izbjeglice BiH, koji se odnose na informacije o bazama podataka, vrsti podataka koje prikupljaju, evidentiraju i analiziraju.
- Na osnovu analize utvrditi nivo razvrstavanja statističkih evidencija po spolu i izraditi preporuke za unaprijeđenje.
- Dodatno analizirati djelokrug rada institucija BiH, programe rada, zakone koje implementiraju i podzakonske akte u svrhu provođenja zakona, strategije i akcione planove koje provode, grantove koje dodjeljuju, itd, s ciljem identifikovanja dodatnih relevantnih statističkih podataka koje je potrebno prikupljati i razvrstavati po spolu u cilju uvođenja i unaprijeđenja gender analiza unutar institucija, kao i sveukupne ocjene stanja ravnopravnosti spolova u BiH.
- Izvršiti validaciju nacрта preporuka sa institucijama koje su predmet analize
- Izraditi preporuke za unaprijeđenje rodno odgovornog pristupa statističkim evidencijama, kao i izradi, praćenju i izvještavanju o programima, politikama i strategijama koje provode institucije BiH.

Za izradu Istraživanja sa preporukama koristiće se po potrebi i dodatne informacije i podaci Ministarstva za ljudska prava i izbjeglice BiH i drugi izvori u konsultaciji između izvođača i naručioca. Preporuke će se koristiti za izradu i usvajanje smjernica/uputa za institucije u cilju unaprijeđenja rodno odgovornih statistika, analiza i praćenja stanja ravnopravnosti spolova po oblastima Zakona o ravnopravnosti spolova BiH.

1.3. Rok za izvršenje usluge

Rok za izvršenje usluge: najkasnije 25 kalendarskih dana od dana obostranog potpisivanja Ugovora.

1.4. Kvalifikacije konsultanta/ice

- Univerzitetska diploma (fakultet društvenog smjera)
- Najmanje 5 godina radnog iskustva u oblasti ljudskih prava i ravnopravnosti spolova
- Najmanje 3 godine relevantnog analitičkog i istraživačkog iskustva sa objavljenim publikacijama
- Aktivno znanje jednog od službenih jezika u Bosni i Hercegovini

1.5. Način apliciranja

Ako ispunjavate gore navedene uvjete potrebno je da svoju ponudu dostavite na sljedeću adresu:

Ministarstvo za ljudska prava i izbjeglice BiH
Agencija za ravnopravnost spolova BiH
Dubrovačka 6,
71000 Sarajevo

ili putem elektronske pošte na adresu protokol.ARSBiH@mhr.gov.ba sa naznakom „Za javni poziv – izrada Istraživanja sa preporukama za unaprijeđenje rodno odgovorne statistike, programa i politika u institucijama BiH.“

Ponuda mora da sadrži sljedeće: kratko prateće pismo (do 1000 riječi), biografiju kandidata/kinje i prijedlog plana rada u kojemu treba biti naznačena metodologija rada, aktivnosti, očekivani rezultati i vrijeme potrebno za svaku od aktivnosti.